



ACARA PARTANGIANGAN PASSION II

HKBP PURWOKERTO – RESSORT PURWOKERTO

Kamis, 17 April 2025 (Pkl.18.00 WIB)

1. Pangaradeon (P: Paragenda; H: Huria)

2. Marende No. 86 : 1+3 *SILANG NA BADIA I*

1). Silang na badia i, Ho do lombu-lambungki

Maralohon dosa i dohot pandeleian i.

Disude sitaonon i, Ho ma lombu-lambungki.

3). Ro do au nuaeng tu ho, sai palambas ma rohaM.

Nunga pola mate Ho, ala asi ni rohaM

Jangkon au na dangol on, sai ulosi tondingkon.

3. Votum-Introitus-Tangiang :

P : Marhitehite Goar ni Debata Ama, Anak dohot Tondi Porbadia. Amen.

Asi ma roham di ahu ale Jahowa, ai targogot do au, maras do rohangku dohot dagingku. Alai anggo ahu, tu Ho do au marhaporusan, ale Jahowa ningku do: Ho do Debatangku! Marguru tu tanganMu do angka na mangalotongi ahu. Ale Jahowa, sai unang paura ahu, ai Ho do na hujou, sai palua ma ahu marhitehite hatigoranMu. Haleluya! **Martangiang ma hita :**

Ale Tuhan Debata, Amanami na saluhut parasirohaon! Nunga ditatap Ho hami bangsomon, ai ndang manjua Ho mangalehon AnakMu na sasada i Tuhan Jesus Kristus tu tangan ni pardosa, as taononNa haleaon dohot siak ni bagi, sahat ro di hau pinorsilang. Sai tumpahi hami marhitehite asi ni rohaM, asa margogo hami jala marbenget ni roha, songon anak haholongan ni rohaMi di angka sitanonon, asa marsangap goarMu dohot AnakMu Tuhan Jesus Kristus dohot Tondi Parbadia marhitehite hami. Amin.

4. Marende No. 77 : 5 *HAMU SALUHUT HALAK*

5). Sandok mauliate do au di Ho naung mate, lao pangoluhon au

Sai tong parrohaonku na busuk bunuonku, tu Ho sambing marguru au.

5. Manjaha :

P : Diboto Jesus do na naeng tangkupon ni parjahat i Ibana. Nunga ro si Judas parjehe rap dohot angka soldadu, dohot angka naposo ni sintua ni malim mantat sulu-sulu dohot ragam ni sinjata. Ruar ma Jesus rap dohot angka siseanna mandapothon rombongan ni si Judas i, didok ma tu nasida : "Ise do na jinalahanmuna? Gabe ninna nasida ma mangalusi Ibana : Jesus halak Nasaret i do! Dung i ninna Jesus ma mangalusi nasida : "Ahu do I !" Disi didok Jesus Ahu do I, mamintor sumurut ma nasida angka martinggangan tu tano. Songon sinoro na porhas do nasida, rabat-rabat jala martinggangan.

H : Mardabuan do nasida nionjar ni pangulus ni hosa ni Debata; dihilala nasida do habadiaon ni Tuhan Jesus dohot iasna dohot hasogiron ni hasangaponna. Tung sura dipasombu Tuhan Jesus nasida peak, boi do Jesus dohot angka siseanna laho so dapot tangkupon ni manang ise.

P : Alai ndang songon i, dipahehe Jesus do nasida. Dung tarjolma saluhut soldadu na naeng manangkup Jesus i, memong ma parnidaan nasida mangalului di tonga-tonga ni angka siseanna. Songon na mabiar nasida manjama Jesus. Songon na mabuk do nasida so umboto marpingkir be.

H : Alai didok Jesus ma muse: "Ise do naniluluan muna?" Jadi didok nasida ma: "Jesus halak Nasaret i do!" Dung i ninna Jesus ma mangalusi nasida: "Nunga hupaboa tu hamu, Ahu do I. Asa molo Ahu na ni luluan muna, loas ma laho angka on!"

P : Jadi didok ma tu angka siseanna i : "Laho ma hamu saonari, ndang dope tuk gogomuna laho mangihuthon Ahu! Alai umbahen didok Ibana songon i, asa jumpang ma nidok na hian : Nandang adong na mago sian angka na nilehonMi tu Ahu!

6. Marende No. 83 : 4 NA LAO DO BIRUBIRU I

Saleleng na mangolu au naeng ingotonku, Jesus ;

sude na binahenmi di au, Hatam naeng hupatulus.

Ho naeng haholonganku do, huhut ihuthononku

Ho di dalam hangoluan tung ingkon Ho nampuna au;

Mangolu manang mate au, sai Ho do tiopanku.

7. Manjaha :

P : Jongjong do Jesus diparaloan i, ndang marsinjata, jala hira na so mardongan ditonga-tonga ni pungan na jahat marroha, na marsinjata, na maniop pasak-pasak, jala na mauas di mudar. Alai atik pe songon i, ndang tarjua nasida pandokkon ni Birubiru ni Debata na lambok jala na serep marroha i, ndang barani nasida mangalo hatana: diloas nasida do laho angka siseanna: gabe hata ni Tuhan i mangkaliangi nasida songon parik api, nang pe dipamuruk si Petrus roha nasida muse, i ma na tinampulna i pinggol ni si Malkus naposo ni Sintua ni malim i.

H : Nandang manigor barani nasida manangkup Tuhan Jesus, dipaima nasida dope partinandaan na nilehon ni si Judas i tu nasida : Manang ise na huumba, i ma Ibana, tangkup hamu ma i, ramot ma hamu mamboan Ibana.

P : "Jadi dung sahat si Judas di jolo ni Tuhan Jesus, pintor dihaol ma Jesus jala diumba, didok : Tabe ma di Ho Guru!" Alai ninna Jesus ma mandok ibana : "Marhua ho tuson, anggia ? O Judas! Pangummaon do hape dibahen ho pasahathon Anak ni Jolma i?"

H : Dung i ro ma nasida dilaluhon ma tangan nasida tu Jesus laho manangkup Ibana. Marnida i dibuat si Petrus ma podangna, ditampulhon ma tu naposo ni sintua ni malim sahalak, dipisikkon ma pinggolna.

P : Alai didok Jesus ma tu ibana : Nunga sae be i. Pasarung ma podangmi. Ai na so tarbahen Ahu huroha di roham mangido sian Damang asa dipadiri di Ahu saonari lobi sian 12 loksa surusuruan ? Alai songon dia ma saut hata ni surat i na mandok :

Ingkon masa do songon i ? Jadi dipangido Jesus ma asa dipalua jolo tanganna na hona rante i, naeng pangkeonna tanganna na lambok i pamalum sumuang pinggol si Malkus i.

H : Dung dipalua, dijomput Jesus ma pinggol na pisik i sian tano, dilohothon ma sumuang gabe malum pinggol ni naposo ni sintua malim i. Marhitehite i, malua ma si Petrus sian pamalosan ni soldadu i.

8. Marende No. 84 : 1 *AUT NA GINORGA TU ROHANGKU*

Aut na ginorga tu rohangku bohim di na lao mate Ho !

Aut na huingot, O Tuhanku, tongtong pangkophopmi di au !

Ai Ho do paluahon ahu, dosangu do pinorsanmi ;

Di daoni Ho parsahitonku ; Martua au binahen ni !

9. Manjaha :

P : Dung dipalum Jesus Pinggol ni si Malkus i, ditangkap ma Jesus jala diihoti. Alai diapo Tuhan Jesus dope nasida sahali nari, ninna ma mandok tu angka sintua ni malim dohot tu angka sintua ni bagas joro dohot tu angka situasi natoropi, angka naung rongom dampak Ibana :

H : "Songon na dampak panamun do hamu mandapothon Ahu, marpodang jala marlombut-lombut manangkap Ahu, ganup ari do Ahu nian hundul mangajari di bagas joro, alai ndang ditangkap hamu Ahu, jala ndang olo hamu palaluhon tanganmu tu Ahu: alai on ma tutu tingkimuna dohot hasangapon ni haholomon jala asa jumpang na nidok ni angka surat ni panurirang i. "Alai ndang be siat hata i tu roha nasida, ai angka na manggadis dirina tu sibolis i do nasida.

P : Dung i ditadingkon saluhut sisean i ma Ibana laho maporus. Saut ma antong na nidok ni Tuhan Jesus, uju na nidokna i : Targasip do hamu muse mida Ahu. Songon na tarsurat i; Lumbutanna ma Parmahan i, dung i marserak ma angka biru-biru i.

10. Marende No. 88 : 4 *DI SURGO DO ALEALENTA*

Bagas uhirhon tu rohangku Panghophopmi humohop au ;

Tu sima togu pingkiranku, Guru di Ho sambing ma ahu.

Hupuji nasa asi mi, Alai gumodang holongmi.

11. Manjaha :

P : Ditogihon nasida ma Jesus na tarihot i tu si Hannas simatua ni malim Kayapas. Hona pastap ni opas do Jesus di jolo ni malim i, soada hasalaan ni Jesus di alusna. Sian i, disuru si Hannas ma muse mamboan Jesus tu jolo ni si Kayapas. Dung so adong jumpang malim i hasalaan ni Tuhan Jesus, dipajongjong ma dua sitindangi gapgap na tuk mambahen Ibana marutang hosa.

H : Saut ma marutang hosa Jesus. Ditijuri nasida ma bohi ni Tuhan Jesus, na deba manompuk, na deba mangalingsingi huhut mandok : Surirangi hami, Kristus, ise do na mamunu Ho ? Disi ma si Petrus mamorso na so ditanda Jesus, pola dipambuburahon na so dongan ni Jesus ibana.

P : Si Judas pe, dung diboto ingkon uhum hamatean ma tu Jesus, gabe maningkot ma ibana. Sian jolo ni si Kayapas ditogu ma Jesus na tarrante i tu panguhum Latus. Tung na marsipal do Tuhanta i dijolo ni panguhum Latus.

H : Tagonan do si Barnabas parjahat i dipillit paluaon ni si Latus, asa tu pamajalan anggo Tuhan Jesus. Putusan ni panguhum i: Ingkon pajalon ma Tuhan Jesus i tu hau na pinarsilang.

P : Hamu ale angka dongan! Marnida sude na tinaon ni Tuhanta i, tama tapaserep rohanta martangiang :

"Mauliate ma tu Ho, ale Tuhan Jesus, ala ni holong ni rohaM na so hadodoan i, na mandasdas Ho tu hagogotan, tu haporsuhon dohot hamatean humophop ahu. Ditaon Ho do sude rimas ni roha, na patut mangonai tu ahu. Tu Ho ma tama hupasahat diringku, hosangku dohot saluhut tahe na di ahu. Ai ho di Biru-biru ni Debata na sineat ala ni ahu. Sai unang ma adong manang ise na tarbahen manirang ahu sian Ho. Sai Ho ma tongtong Siparmahan ahu, na mangiringiring ahu sian hangoluan na porsuk on tu hangoluan na sun denggan na dilambungMi. Disi ma naeng pujionku Ho rap dohot angka suru-suruanMi, jala rap dohot angka na mangkaholongi jala manghaposi Ho rodi salelenglelengna. Amen.

12. Koor/Vocal Group/Fragmen:

13. Marende No. 412 : 1 – 2 NDI DI DOLOK ADUI

1). Ndi, di Dolok adui, silang ni Tuhan i, sap mudar, sap tijur do i.

Jesus mate disi, asa malum dibaen sude angka gondok roha i,

Dibaen i, tung holong rohangki mida silang di Golgata i.

Hupasolhot diringki tu si, dompak surgo pardalananki

3). Dileai jolma i silang ni Tuhan i. Hape haluaon do i.

Nang godang dosangki, alai sesa do i, dibaen mudar na durus disi

Dibaen i, tung holong rohangki mida silang di Golgata i.

Hupasolhot diringki tu si, dompak surgo pardalananki.

14. Jamita :

15. Marende No. 88:1-2 JESUSHU NAUNG MANOBUS AU (Huhut Papungu Pelean)

1). Jesusku naung manobus ahu sai naeng haholonganku Ho

Tu dolok Golgata Ho laho Nionjar ni holongMu do

Hupuji nasa asiMi Alai gumodang holongMi

2). Tarsolsolbagi do rohangku Paidaida dangolMi

Marningot sasude dosangku Ai i do na tinaonMi

Hupuji nasa asiMi Alai gumodang holongMi

16. Tangiang Pangujung: Alemanami ... Amen.

Pasupasu Amen ... Amen ... Amen ...